

Стихирные Богородичны, II приложение, глас 5

В неделю вечера, «И ныне – глас 5:

**Стра́шно, и преславно, и велие та́инство:/ Невме-
стимый во чреве вмест́ся/ и Ма́ти по рождестве
паки пребысть Де́ва,/ Бо́га бо роди, из Нея во-
площе́нна./ Тому возопиим, Тому пёснь рцём,/ со
Ангелы воспевающе: Свят еси, Христе Бо́же,/
Иже нас ради вочелове́чивыйся, сла́ва Тебе́.**

В понедельник утра, «И ныне – глас 5:

**Обра́дованная, ходатайствуй Твоими моли́твами/
и испроси душам нашим мно́жество щедро́т// и
очищение многих прегреше́ний, мо́лимся.**

В понедельник вечера, «И ныне – глас 5:

**Утоли болéзни/ многовоздыхающия души́ моея́,/
утоли́вшая всяку слезу от лица́ земли́:/ Ты́ бо че-
ловеков болезни отго́ниши/ и грешных скорби
разруша́еши./ Тебе́ бо вси стяжахом надежду и
утвержде́ние,/ Пресвятая Ма́ти Де́во.**

Во вторник утра, «И ныне – глас 5:

**Обра́дованная, ходатайствуй Твоими моли́твами/
и испроси душам нашим мно́жество щедро́т// и
очищение многих прегреше́ний, мо́лимся.**

Стихирные Богородичны, II приложение, глас 5

В среду вечера, «И ныне – глас 5:

**Блаж́им Тя, Богородице Д́ево,/ и славим Тя, вер-
нии, по д́олгу,/ гра́д непоколебимый, стену не-
обор́имую,/ тв́рдую Предста́тельница// и при-
бежище ду́ш на́ших.**

В четверток утра, «И ныне – глас 5:

**Блаж́им Тя, Богородице Д́ево,/ яко из Тебе воз-
сия Солнце пра́вды, Хри́сто́с,// имеяй в́елию
ми́лость.**

В пяток вечера, «И ныне – глас 5:

**Тебе́ молимся, яко Божии Ма́тери:/ Благосло-
в́енная, моли́// о спас́ении душ на́ших.**

В субботу утра, «И ныне – глас 5:

**Оле́ ока́янная душе́!/ Кий ответ имаши рещи Су-
дии во о́н ча́с,/ егда́ престоли поста́вятся на Су-
де́/ и Судия́ при́дет от Небе́с,/ сошед со тьмами
а́нгельскими?/ Егда́ сядет на Суди́щи,/ прю́ со-
творити с рабы непотребными, подо́бными мне́,/
что отвещати ймаши?/ Что же принести́ тогда́?/
По́истинне ничтоже, ум и тело оскверни́вши
твоё./ Темже припади к Деве и зови непре-
ста́нно// подати тебе богато грехо́в прощ́ение.**